



# Secziun da catschadurs Bostg

## Andiast | Pigniu | Vuorz | Siat | Rueun

### Protocol dalla radunonza generala dils 11 da december 2015 allas 20:00-23:00 ell'Arca a Siat

#### Suprastonza

Rita Killias-Cantieni, presidenta  
Arno Spescha, actuar  
Clemens Cavigelli, cassier  
Elias Casanova, survigilader da material  
Benjamin Janki, cau da tgira

Presents: 38  
Perstgisas: 25  
Absolut pli: 20

#### Tractandas

1. Appel ed elecziun da dus dumbravuschs
2. Approbaziun dalla gliesta da tractandas
3. Approbaziun dil protocol dalla radunonza da primavera, dils 8 da matg 2015 a Rueun
4. Rapport dalla presidenta
5. Rapport annual dil cau da tgira / rapport dil responsabel da tir
6. Rendaquen, rapport dils revisurs ed approbaziun dil quen
7. Fixar las contribuziuns annualas
8. Orientaziun ed approbaziun dil program da lavur
9. Conclus sur midadas da statuts e reglaments
10. Conclus sur propostas per mauns dalla suprastonza centrala
11. Mutaziuns
12. Elecziuns per ina perioda d'uffeci da 3 onns:
  - president / 1 demissiun
  - -cau da tgira / 1 demissiun
  - responsabel da tir e cau da material / reelecziun
13. Elecziun per ina perioda d'uffeci dad in onn dils delegai e substituts tenor art. 1 5 dils statuts dall'Uniun cantunala BKPJV
14. Honoraziuns
15. Informaziuns dalla survigilonza
16. Varia

Tractandas/Conclus/Discussiun etc.	Responsabel
Rita Killias-Cantieni fa a tut ils presents in cordial beinvegni. <b>1. Appel ed elecziun da dus dumbravuschs</b> Per igl appel cursescha ina gliesta. Presents total ein 38. Sco dumbravuschs vegnan elegi: Gian Luca Dermond, Mario Camenisch	R. Killias
<b>2. Approbaziun dalla gliesta da tractandas</b> La gliesta da tractandas vegn approbada unanimamein.	R. Killias
<b>3. Approbaziun dil protocol dalla radunonza da primavera, dils 8 da matg 2015 a Rueun</b> Il protocol vegn approbaus unanimamein.	A. Spescha
<b>4. Rapport dalla presidenta</b> Ils 26-4-1986 ei la secziun da catschadurs Bostg vegnida recepida sco 72avla secziun el BKPJV. Ils iniziants e catschadurs da lezzaga han stuiu cumbatter per	R. Killias

quei pass. Cun grond anim e fetg bia engaschi ein els semess alla lavur per sviluppar structuradas e fundar ina nova secziun. Igl ei stau lavur da pionier per propi. Oz, suenter gleiti 30 onns, essan nus ella situaziun che nus duvrassen puspei empau da quei spert e da quella voluntad da pionier per vegnir empau pli allerts ed activs e saver dar niev slonsch a nossa secziun. Pertgei jeu sun perschadida che nus havein ina buna secziun cun in grond potenzial da cuntinuar era el futur. Ei vegn a depender pir che zacu digl idealissem ed engaschament voluntari, sco era dalla prontadad dil singul, d'esser iniziativs e da surprender responsabladad per nossa secziun.

La suprastonza ei seradunada 6 ga per preparar las activitads e deliberar las fatschentas dalla secziun.

**Miez schaner** han Roland e Conny giavischau in discuors cun la surveglonza partenent igl asil da camutschs. Per saver declarar lur giavischs ein Patric, Roland, Conny, Remo ed jeu sentupai tier in cuort discuors. Il giavisch era da far ina correctura agl ur digl asil. Nus essan lu secunvegna dad ir el decuors dalla stad el liug per mirar la situaziun.

**Ils 17 da schaner** han 113 personas priu part alla sera familiara. Suenter gl'apero, offerius dalla vischnaunca d'Andiast, ha il chor mischedau delectau gl'auditori cun entginas bialas canzuns da catscha e da muntogna. L'imposanta preit da trofeas ha dau bia da mirar e raquintar. Buca meins che 24 bials taur e 15 bials cavreuls han fatg parada sper ina roscha bials camutschs e capricorns. La tschavera deliciosa, preparada da nos camerats cuschiniers, ha gustau oreifer e davon che vegnir tier il grond buffet da desert ha il toc humoristic fatg rir da cor igl auditori. El decuors dalla sera havein nus astgau surdar la medaglia da veteran a Robert Veraguth ed engraziar a Marco Tschuor per siu grond engaschi en suprastonza cun in pign regal. Cun bials premis ein ils presents vegni animai da separticipar alla lotteria. Il pli giuven catschadur d'Andiast ha giu la quida da trer il premi principal ed aschia astgau ir o l'Austria a catscha da camutschs. Sco mintg'onn ha nies musicist Sigis procurau per gl'accumpignament musical.

**Ils 21-2** ha la radunonza da presidents giu liug a Tusaun. Colonel Jöri Kaufmann, igl incumbensau pils cuors da capotiradurs ha informau en caussa. Schegie ch'il termin d'annunzia per quels cuors era fixaus sils 4 da mars eran quasi tut ils plazz occupai ora gia ils 24-2. Ei ha duvrau beinenqual telefon per che nos 4 capotiradurs sappien vegnir risguardai. La finala han Elias, Gian Luca, Curdin ed Enrico saviu far la scolaziun, ils 24-4 a Claustra.

**Ils 27-2** ha Benjamin clamau alla sesida culs caus da tgira locals, il surveglader e la presidenta per udir ils giavischs e discutir il plan da tgira 2015.

**Ils 28-3** alla tgira da primavera a Palius/Rueun, ein 18 commembers stai dalla partida.

**Ils 9-4** ei stau dumbraziun da tscharvas ed ils 15-4 ha il district II salvau sia radunonza.

Alla radunonza dil BKPJV, **ils 16-5** a Bravuogn han nos delegai Clemens ed Arno representau il Bostg. Tuttas propostas per mauns dalla delegada ein vegnidas sancziunadas sco quei che la radunonza dil Bostg haveva votau.

**Ils 30-5** ha nies camerat Albert e sia Andrina giu nozzas a Nossadunna dalla glisch. Dil Bostg ein 20 catschadurs (inclusiv catschadurs ch'eran hosps da nozzas) stai spalier ed han purtau la salvgia usitada.

**Ils 11-6** allas 5:00 ha Patric Ragettli organisau ina latta da sensurs d'infrarot per encurrir anseuls avon ch'il pur seghi il prau. Sut si'egida havein Silvan, Albert ed jeu giu la quida d'empruvar ora quei sistem cun success. Patric vegn aunc a dar ulteriusas infrumaziuns.

**Ils 18-7** han ils camerats da Siat organisau ina viaggiada sin lur cuolms cun sera da cumpignia a Siat. Quei ei propi stau ina fetg biala sentupada ed jeu havess spitgau ina pli gronda participaziun.

**Alla tgira dils 23-7** han danovamein 18 commembers priu part e segau la Palischauna e tagliau ora caglias.

**Ils 31 da fenadur** havein nus salvau ina uatga en Cuolm e Gavirolas partenent cunfins digl asil. Cun quei ch'igl asil secatta sin territori da Vuorz hai jeu dumandau Remo da clamar ensemen ils catschadurs da Vuorz per discussiunar quei giavisch e quei ei lu succediu ils **19-8**. Ils presents eran plitost dil meini da schar ils cunfins sco els ein. Oz vegnin nus aunc ad haver caschun da discussiunar en caussa.

Il tir intern dil Bostg ha giu liug **ils 8-8**. Elias vegn a rapportar surlunder.

<p>Ils 18-8 ha Patric Ragetli tarmess ina resumaziun da tuttas novaziuns ellas prescripziuns da catscha. Quei mail hai tarmess vinavon a vus. Partenent las catschas ed ils asils vegn la surveglia a rapportar sut tractanda 15.</p>	
<p><b>5. Rapport annual dil cau da tgira</b> La secziun Bostg ha organisau la tgira da primavera ils 28.3 e la tgira da stad ils 23.7. Ils catschadurs sco era ils candidats han fatg pliras lavurs sco segar, montar reflecturs, tagliar caglias, montar tablas d'informaziuns «Hund an der Leine» sco era schurmetg cavriel. En tut eis ei vegniu fatg entuorn 200 uras tgira.</p> <p>Candidats 2015/2016: Andrea Giger, Cedric Spescha Candidats 2016/2017: Fabian Flepp, Julian Cavigelli, Remo Alig</p> <p><b>Rapport dil responsabel da tir</b> Il tschaffa ballas d'il stan da sittar ei uonn vegnius renovaus da Silvan, Elias ed Arno. Uonn ei l'emprema gada vegniu sittau igl obligatoric da catscha sil plaun da Tschess. Per la gronda lavur che vegn investada per il tir intern ei la participaziun plitost magra. Elias spetga egl avegnir ina pli gronda participaziun.</p>	<p>B. Janki E. Casanova</p>
<p><b>6. Rendaquen, rapport dils revisurs ed approvaziun dil quen</b> Clemens informescha en caussa sur dallas finanzas dalla secziun Bostg. Facultad 30.11.2015                    22'107.38 Facultad 1.12.2014                    22'510.96 Siminuziun dalla facultad           -403.58</p> <p><b>Rapport da revisiun quen annual 2015</b> Tenor incumbensa sco revisurs da quen havein nus revidiu il quen annual 2015 dalla secziun Bostg. Il quen ei vegnius presentaus dil cassier Clemens Cavigelli tut en uorden e transparents. Tut las quittanzas ein avon maun e corrispundan allas cudischaziuns.</p> <p>Sin quei fundament proponin nus alla radunonza generala d'approbar il quen 2015 dalla secziun ed da dar scarica al cassier ed alla suprastonza. Nus engraziein al cassier Clemens Cavigelli ed alla suprastonza per la grondiusa lavur en favur dalla secziun.</p> <p>Ils revisurs da quen Damian Tuor, Lothar Cavigelli</p> <p><b>Approvaziun dil quen</b> Il quen vegn approbaus unanimamein.</p>	<p>C. Cavigelli</p>
<p><b>7. Fixar las contribuziuns annualas</b> Clemens informescha che la contribuziun annuala stoppi vegnir alzada egl avegnir per saver curclar ils cuosts. Per il mument vegn ei denton decidiu da far neginas midadas.</p>	<p>R. Killias</p>
<p><b>8. Orientaziun ed approvaziun dil program da lavur</b></p> <p><b>Puncts da discussiun:</b></p> <ul style="list-style-type: none"> <li>- Sera familiara: El 2016 ein nos camerats da Siat puspei en tur d'organisar la sera familiara. Suenter 30 onns havessan els il giavisch da far ina midada ed organisar enstagl dil schaner, ils 28 da matg 2016 in suentermiezdi da famiglia e sera da cumpignia. Era proponan els da far pagar la tscheina da mintgin singul. Motivs: -Il schaner san las vias tier nos vitgs esser scheladas e curcladas cun neiv. En</li> </ul>	<p>R. Killias C. Cavigelli</p>

<p>ina tala situaziun han biars da nos commembers schanetg dad ir cun auto, aschia che il diember da participonts sa sminuir il davos mument per ina gronda part. La fin matg fuss quei prighel buca da tumer.</p> <p>-Entochen da cheu empleina il program ina gronda part dalla sera familiara. Cura che il program ei alla fin sesvida la sala ed il discuors denter ils catschadurs vegn alla cuorta.</p> <p>-La sera familiara vegn finanziada per ina gronda part dalla tombola per buca strapazzar la cassa dalla secziun. El temps dad oz eis ei denton vegniu fetg grev e malemperneivel da recaltgar premis per la tombola. Cun far pagar mintgin singul la tscheina san ins desister dad ina tombola ed aschia prender giu in grond buordi als organisaturs.</p> <p>Ina discussiun suonda. Gion Fidel ei dil meini d'organisar la sera sco tochen dacheu. Ei suonda ina votaziun (per lubir l'idea): 25 gie; 1 na</p> <p>– Viagiada e sera da cumpignia ni survetsch divin Munt s. Gieri? Igl interess d'organisar ina viaggiada ni in survetsch divin ei fetg pigns. Ord quei motiv vegn fatg la proposta da schar curdar ina tala occurrenza. Ina votaziun suonda (per organisar ina tala occurrenza): 22 na; 5 gie</p> <p><b>Activitads e termins 2016</b></p> <p>26-02-2016 District 2, referat ell'Aula a Glion, Jagd und Tierschutz ein Widerspruch, sgr. Martin Baumann</p> <p>05-03-2016 Conferenza da presidents dallas secziuns «BKPJV» a Favugn</p> <p>11-03-2016 Jägerinnenstamm: Referent, Dr. Andreas Moser</p> <p>03-2016 Sesida dalla cumissiun da tgira dalla secziun Bostg</p> <p>Mars ni Avrel allas 8:00 uras, tgira da primavera</p> <p>Avrel Dumbraziun da tscharvas</p> <p>20-04-2016 Radunonza dil district II</p> <p>05-2016 Radunonza da primavera dalla secziun Bostg a Vuorz</p> <p>21-05-2016 Radunonza da delegai dil BKPJV a Müstair</p> <p>28-05-2016 Suentermiedzi da famiglia e sera da cumpignia a Siat</p> <p>07-2016 Tgira da stad</p> <p>06-08-2016 Tir intern dalla secziun Bostg a Plaun da Tschess (Andiast)</p> <p>Settember Catscha: 03-09-2016 – 11-09-2016; 19-09-2016 – 30-09-2016</p> <p>November Dumbraziun da camutschs</p> <p>December Radunonza dil district II</p> <p>10-12-2016 Radunonza generala dalla secziun Bostg a Rueun</p> <p>Il program da lavur vegn approbaus unanimamein.</p>	
<p><b>9. Conclus sur midadas da statuts e reglaments</b> Neginas midadas</p>	R. Killias
<p><b>10. Conclus sur propostas per mauns dalla suprastonza centrala</b> Patric Cavigelli ha inoltrau ina proposta pertuccont la catscha speciala: Antrag: „Die Erlaubnis des Abschusses eines Hirschstieres auf der Sonderjagd, nach Abschuss zweier Hirschkälber, soll aufgehoben werden. Sogleich soll nur der Spiesser, deren Stangen die Lauscher nicht überragen, zum Abschuss freigegeben werden.“ Begründung: Das „Zückerli“ soll aufgehoben werden, da mehr als genug Anmeldungen für die Sonderjagd eingehen und es nicht mehr zur Selektion der Angemeldeten eines Bezirks durch das Amt kommt. Der Druck soll vermehrt auf junge und schwache, bzw. auf das Kahlwild gerichtet werden. Um allfällige Fehlabschüsse zu vermeiden, soll der Gabler nicht mehr jagdbar sein.</p>	R. Killias

<p>Ei suonda ina cuorta discussiun e votaziun (per la proposta dil Patric Cavigelli): 17 gie; 6 na =&gt; la suprastonza dat vinavon la proposta al district.</p> <p>La suprastonza centrala ha fixau ils 19 da december 2015 ina radunonza extraordinaria pils presidents dallas secziuns. Quella ei necessaria per saver presentar la revisiun parziala dalla lescha da catscha, per incumbensa dil cussegl grond e che pertucca la catscha d'october. Quei sboz vegn lu repartgiu allas secziuns cun l'incarica da prender posiziun. Ultra da quei obtegnan las secziuns in questiunari tier ils puncts impurtants che vegnan midai. La suprastonza centrala vesa il suadont agir en caussa. Las secziuns dueien prender posiziun entochen ils 5 da fevrer 2016 ed inoltrar quella al secretariat dil BKPJV. La suprastonza centrala vegn lu a resumar e discutir las posiziuns ella suprastonza gronda. Il giavisch ei che mintga secziun discussieschi il sboz dalla lescha en ina radunonza e laschi votar sur da propostas per midadas. Ideal fussi da discussiunar quellas era aunc el district per tscherchar ed anflar in consens communabel. Il BKPJV vul che la basa vegni orientada e sappi prender posiziun en caussa e buca che mo la suprastonza decida. A caschun da quella conferenza vegn ei era aunc informau sur dil stan actual dall'iniziativa che pertucca era per part la revisiun parziala dalla lescha.</p>									
<p><b>11. Mutaziuns</b> <u>Extradas A</u> Bruno Cadonau</p> <p><u>Stan actual</u></p> <table border="0"> <tr> <td>Commembers A</td> <td>82</td> </tr> <tr> <td>Commembers B</td> <td>15</td> </tr> <tr> <td>Candidats</td> <td>5</td> </tr> <tr> <td><b>Total</b></td> <td><b>102</b></td> </tr> </table>	Commembers A	82	Commembers B	15	Candidats	5	<b>Total</b>	<b>102</b>	A. Spescha
Commembers A	82								
Commembers B	15								
Candidats	5								
<b>Total</b>	<b>102</b>								
<p><b>12. Elecziuns per ina perioda d'uffeci da 3 onns:</b> Rita communicescha als presents che la tscherca da successurs sco president e cau da tgira seigi stada negativa entochen la radunonza. Negins commembers seigien stai prompts da sorprender in post suenter numerus telefons. Da Claudio Carigiet haveva ella denton aunc buca survegniu in gie ni in na.</p> <ul style="list-style-type: none"> <li>– <b>president / demissiun da Rita Killias</b> Claudio Carigiet ei prompts da sorprender il post da president per 1 onn. El spetga denton dapli engaschi ed interess da mintga commember e vegn aschia a decider suenter 1 onn schel vegn a cuntinuar igl uffeci. Rita arva la discussiun. Ei dat negina discussiun. Cun ferm applaus vegn Claudio Carigiet elegius.</li> <li>– <b>cau da tgira / demissiun da Benjamin Janki</b> Suenter ina discussiun ei Bruno Demont prompts da sorprender igl uffeci da cau da tgira sut las medemas cundiziuns sco Claudio Carigiet. Rita arva la discussiun. Ei dat negina discussiun. Cun ferm applaus vegn Bruno Demont elegius.</li> <li>– <b>responsabel da tir e cau da material / reelecziun</b> Elias Casanova vegn reelegius sco responsabel da tir e cau da material.</li> </ul> <p>La suprastonza engrazia alla Rita ed al Benjamin per la gronda e fetg buna lavur prestada en favur dalla secziun Bostg.</p>	R. Killias								
<p><b>13. Elecziun per ina perioda d'uffeci dad in onn dils delegai e substituents tenor art. 1 5 dils statuts dall'Uniun cantunala BKPJV</b> Elegi vegnan Augustin e Rita Killias-Cantieni.</p>	R. Killias								
<p><b>14. Honoraziuns</b> Ei dat neginas honoraziuns.</p>	R. Killias								

<p><b>15. Informaziuns dalla survigilanza</b>  Arnold Caminada e Patric Ragettli informeschan detagliadamein sur:  -Dumbraziun da selvaschina  -Selvaschina disgraziada (Fallwild)  -Asils da selvaschinas:  <i>Tier quei tema suondan differentas discussiuns. Tier igl asil dallas Gavirolas ein ins dil meini da far ina pintga correctura da cunfins per survegnir la pusseivladad d'insomma far catscha leu. Ils catschadurs da Vuorz ein denton plitost d'il meini da schar ils cunfins sco tochen dacheu.</i>  <i>Era vegn ei discussiunau pervieda il «sittar en» els asils. Plirs ein dil meini che quei fa empaglia ils asils. Auters ein dil meini che quei seigi ina buna pusseivladad da vegnir da sittar pli biaras selvaschinas durant la catsch'aulta.</i>  -Encurir cul tgaun  -Selvaschina buca encurrida suenter  -Luf e luf-tscherver  -Schurmetg cavriel</p> <p>Rita engrazia alla survigilanza per las interessantas informaziuns.</p>	<p>Survigilanza</p>
<p><b>16. Varia</b></p> <ul style="list-style-type: none"> <li>- Gliesta per la punctaziun da corna</li> <li>- Registraziun da sez: Suenter la vischnaunca da Glion ston era ils sez sin territori d'Andiast e Domat/EMS (Ranasca) vegnir registrai. La suprastonza communal da Vuorz vul pil mument buca schar registrar lur sezs.</li> <li>- Ils 18-21 - 2-2016 ei l'exposiziun fischen, jagen, schiessen a Berna. La suprastonza dil district II fa ina offerta d'organisar il viadi cun autocar.</li> <li>- Ils 12 da mars 2016 ei il di da tgauns da catscha ella Ganda</li> <li>- Ils 19 da mars ei la fiera da pials a Tusaun</li> <li>- Il BKPJV tscherca ina secziun ch'ei prompta da surprender la radunonza da delegai 2017 e 2018. Ei duei vegnir fatg la ponderaziun sche ins duei ev. surprender quella cun in'otra secziun.</li> </ul> <p>Avon che serrar la radunonza engrazia la Rita a tuts per la confidanza enviars ella durant ils davos 4 onns. Alla suprastonza giavischa ella bia plascher e bien success en lur lavur per la secziun.  La suprastonza engrazia ala Rita per lur gronda lavur cun surdar in matg. Ei suonda in ferm applaus.</p> <p>Rita siara la radunonza ed envida tut ils presents ad in pign puschegn offerius dalla secziun Bostg.</p>	<p>Tuts</p>